



Alchymiae complementum et perfectio, seu, Modus et processus argumentandi : sive multiplicandi omnes lapides & elixer in virtute

Norton, Samuel, 1548-1604?


Francofurti: Typis Caspari Rötelii, Impensis Guilielmi Fitzeri, 1630

<https://digital.library.wisc.edu/1711.dl/U4KCEMRY3D4Q085>

<http://rightsstatements.org/vocab/NKC/1.0/>

The libraries provide public access to a wide range of material, including online exhibits, digitized collections, archival finding aids, our catalog, online articles, and a growing range of materials in many media.

When possible, we provide rights information in catalog records, finding aids, and other metadata that accompanies collections or items. However, it is always the user's obligation to evaluate copyright and rights issues in light of their own use.



1240

K4

20 pp	3 bulldog plates
16 pp	3 " "
16 pp	2 " "
16 pp + Blank	1 " "
12 pp	1 " "
24 pp	3 " "



The Library

of the




University of Wisconsin

The Alchemical Collection
of

Denis I. Duveen

Purchased 1951



ALCHYMIÆ COMPLEMENTUM, ET
PERFECTIO

SEV

MODUS ET PROCESSUS
ARGUMENTANDI, SIVE
multiplicandi omnes Lapidès, & Elixera in virtute, sive
qualitate, & etiam in quantitate, unà cum
projectionis via.

Olim à

SAMUELE NORTONO BRISTOLLENSI
INCHOATUS

Nunc verò

AB EDMUNDO DEANO ANGLO MED. D. ME-
dico Eboracensi auctior & perfectiore editus.

CVI ACCESSIT EXPLANATIO INTENTIONIS
Philosophorum, cum de decimo loquuntur numero, in quo Opus finiri debet:
in quaetiam miraculosum ostenditur Secretum Lapidis animalis
ex sanguine humano secundum Georgium
Riplaum.

Denuò adjuncta est Conclusio libri, omnibus sex Libris Alchymicis
prius à nobis editis, & què ac huic, inserviens

TERENTIUS.

Æquum est ignoroscere, quæ sine reprehenſione veteres factitarunt, si faciant novi.

I D E M

Eum esse quæstum in animum induxi maximum, quam maximè
servire vestris commodis.



F R A N C O F U R T I,

Typis Caspari Rötelii, Impensis Guilielmi Fitzeri,

Anno M. DC. XXX.

Rare
Diveo
Diz



TABULA SIVE RAMUS ARBORIS PHILOSOPHI-
Æ de processu augmentationis Medicinarum , seu Lapidum tam
in virtute , quam per fermentationem , explanans etiam modum &
ordinem augmentandi omnia Elixera in virtute , & in quan-
titate , nec non projectionis viam edo-
cens.

TU, quisquis es, sive fili, sive frater, sive lector, cui sors erit nostros sex libros Alchymicos prius editos perlegere, nobis fidem adhibe, atque crede, quod omnia ea, quæ in eis scripta invenies, aut sunt omnium scriptorum approbatissima scripta, ex iisdem collecta, aut nostra experimenta certa. Nam multa probavimus, & multa verissima invenimus. Non vivit mortalium quisquam, equidem credo, qui majores noverit præparationum modos, qui ab omnibus ferè Philosophis celantur. Nam quod grossum perficit, & terminat opus, id ce- laverunt omnes, scilicet corporum, seu metallorum calcinationem, Opus grossum. solutionem, & elementorum separationem: unde omnium laborandum in hac arte oritur error.

Nam postea conjungere, putrefacere, sive in sulphur reducere, Philosophi sulphur in Lapidem præparare, fermentare in Elixer, augmentare in cum. virtute, & in quantitate est solummodo opus Philosophicum, de quo tota Philosophorum turba cursu continuato scriptum.

Sed notandus est benè diverlus in hac arte operandi modus; exempli gratiâ; productio, seu creatio sulphuris albi semper fit in balneo; sed ejus rubificatio fit in cineribus, & sic de aliis multis.

Quapropter in omni operatione Alchymicâ necessarium est, ut Operator benè, & subtiliter intelligat differentiam artis, & naturæ, & quæ sunt absolutæ horum periodi.

Quorum naturalis Archæus, & mineralium periodus est, ut ex Mercurio imperfecto, ac impuro, & sulphure imperfecto, ac impuro & naturalis.

metalla in terræ cunabulis producerentur, sive puriora ea sint, sive impuriora; in majore climatedum caliditate Sol, & Luna, aurum scilicet, & argentum; & in frigidioribus climatis cetera quinque imperfecta corpora, secundum uniuscujusque climatis varietatem, & loci, calorisque proprietatem, & graduationem.

*Archæus artis
supernatura-
lis & meta-
physicæ.*

Sed supernaturalis, & metaphysica artis potestas, & secretæ Philosophiæ Archæus est super terram artificiali quodam modo ex Mercuriis, & Sulphuribus puris è terreis corporibus extractis puriora componere corpora, nempe aurum & argentum, & cum eis Medicinam vitæ, & quintam Essentiam, sanantem omnes morbos, & languores microcosmi. Sed ad incepsum properemus.

Quoniam verò in unoquoque ferè Ramo prædictorum librorum de via projectionis, & augmentationis locuti sumus, ut eorum Rami quisvis sine quovis dubio, ac cum plurimo intellectu prætereat, ideo ea jam explanabimus, & enucleabimus, quam aperte poterimus, ut omnibus eis Ramis, & opusculis æquè inserviant.

*Augmen-
tatio Medi-
cinae in virtu-
te.
Raymundus.*

Primum itaque possidebit locum augmentatio virtutis, sive qualitatis: de qua Raymundus sic dicit: Augmentum in qualitate & bo-
nitate est ipsam tincturam solvere, & coagulare, hoc est, Mercurio no-
stro imbibere.

Arnoldus.

Sed attentiùs attende Arnoldum: Recipe, inquit, tincturæ præparatae partem unam, & solve in tribus partibus Mercurij nostri. Deinde pone in vase, & sigilla vas, & pone inter cineres calidos per totum, ut suprà expressum est, donec exsiccatur, & pulvis fiat. Deinde aperi vas & iterum imbibe, & exsicca, ut suprà. Quoties enim hoc pluries feceris, toties aliquas partes lucraberis, & ultra tinget.

*Ex clangore
Buccinæ.*

Ac etiam ut reperitur in clangore Buccinæ: Dissolves Medicinas in aqua Mercurij sui albi, vel rubei, ex quibus fuerunt procreatæ, quo usque fiat aqua clara; & postmodum congeles, & cum suis oleis inceres eas super igne, quo usque fluant. Certè sua virtus erit dupli-
cata in tinctura cum suis perfectionibus: quia pondus, quod projiciebatur super duo millia; & in ista multiplicatione non est magnus labor.

*Multiplica-
tio Medicinae
duplex.*

Iterum (inquit) multiplicatur Medicina dupliciter: Solutione caliditatis, vel solutione raritatis. Solutione caliditatis est; ut accipias Medi-

5

Medicinam in vase vitro impositam, & eam sepelias in igne nostro
humido 7. diebus, vel amplius, donec Medicina solvatur in aquam caliditatis.
sine turbulentia.

Solutione raritatis: ut sumas vas vitreum cum Medicina, & sus-
pendatur illud in olla nova ænea, cuius orificium sit strictum, in qua
bulliat aqua, & orificium sit clausum, ut ex vapore aquæ bullientis,
ascendente vapore, solvatur Medicina.

Solutione raritatis.

Sed nota; quod aqua illa bulliens non tangat vas vitreum in quo
est Medicina per spacium trium digitorum, & solutio fit fortè uno
die, vel duobus aut tribus.

Postquam (procedendo inquit idem author) Medicina fuerit
soluta, aufer ab igne ad refrigerandnm, fixandum, & congelandum,
indurandum, vel desiccandum, & solvatur pluries: nam quantò plus
resoluta fuerit Medicina, tantò perfectior erit. Et talis solutio est
Medicinae subtilatio, & virtualis sublimatio. Quæ quantò plus rei-
teratur, tantò abundantius, & plures tingit.

Unde dicit Rhasis: Non dependet hujus bonitas multiplicatio-
nis, nisi in multiplicatione reiterationis, sublimatione, & fixatione
Medicinae perfectæ. Quia quantò plus hujus complementi ordo re-
iteratur, tantò illius exuberantia magis operatur, & augmentatur.
Nam quoties magis solitò sublimaveris Medicinam perfectam & sol-
veris, toties lucraberis omni vice ad projiciendum, unum pondus su-
per mille. Et si primò cadet super mille, secundò cadit super decem
millia, tertio super centum millia, quartò super mille millia, & sic in
infinitum.

Dicit enim Morienes Philosophus. Scitote pro certo, quod
quantò plus solvitur Lapis noster, & congelatur, tantò plus Spiritus
& Anima conjunguntur, & retinentur ab ipsis, & qualibet vice tin-
etur multiplicatur.

Alio modo multiplicatur Medicina per fermentationem; & est
fermentum ad album Luna pura; & fermentum ad rubeum, Solpu-
rus. Projiciatur ergo una pars Medicinae super duas fermenti (nos
dicimus tres Medicinae partes super unam fermenti) & totum erit Me-
dicina: & ponatur in vase vitro super ignem, & claudetur sic, ut aë-
non intret nec exeat, & servetur, & regatur, & subtilietur, quoties vo-
lueris,

Morienes.

Multipli-
catione
Spiritua-
lis per fer-
mentationem.
Ex clangore
Buccinæ.

Iueris, sicut fecisti de prima Medicina; tantam virtutem recipiet una pars secundæ Medicinæ, quantam habuit una pars primæ Medicinæ (sed debet sic legi, tantam virtutem recipiet una pars secundæ Medicinæ, quantam habuerunt centum partes primæ Medicinæ) sic enim per solutionem, & fermentationem poterit Medicina multiplicari in infinitum.

Riplæus. Ultimò his concordat Georgius Riplæus noster in libro 12. Portarum, volens multiplicationem spiritualem fieri debendam sic per fermentum, & illud postea projiciendum, ad fermentationem corporalem.

De hujus multiplicationis modo plura scribere vanum erit, quoniam cæteri omnes huic assentiuntur Philosopho, ità ut satis superque de his declaratum fuerit.

Multiplicatio corporalis. **Raymundus.** Ad alterum igitur augmentationis modum nos conferamus; qui multiplicatio corporalis dicitur, & secundum Raymundum sic definitur: Augmentum est præexistentis quantitatis additamentum.

Avicenna. Undè scribit Avicenna: Grave etiam est super mille millia projicere, & illa incontinenter penetrare. Quare vobis unum magnum secretum tradam. Commiscenda est una pars cum mille partibus corporis vicinioris (corpus illud vicinus dicimus, quod est ejusdem metalli corpus, de quo Medicina conficitur) & hoc totum clade in uno vase firmiter & apto, & ponendum est illud in furnum fusionis per tres dies, donec inseparabiliter fuerit totum coniunctum.

Unde latius, & melius dicitur ab eodem authore: Modus autem operis est iste, ut projicias partem unam Medicinæ prædictæ super partes centum aurifusi, & facit ipsum frangibile, & totum erit Medicina: cuius una pars projecta super centum cuiuslibet metalli fusi, convertet ipsum in aurum optimum.

Projectio omnimoda. In Scala Philosophorum de omnimoda projectione paucis verbis sicut habetur: Sciendum est, quod prius dicitur projice; id est, pondus unum super mille, &c. Melius tamen est projicere nunc dimis-
Ex scala Philosophorum. tis super fundamenta, & fundamenta super verba mea, & verba mea super diligam te Domine, & diligam super attendite.

Ænigma

Anigma hoc breve si declaretur, nihil aliud existit, nisi prioris authoris verba, & sententia sub ænigmate conclusa. Repetamus itaque ænigma, sive oraculum.

1. Nunc dimitis super fundamenta :
2. Fundamenta super verba mea :
3. Verba mea super diligam te :
4. Diligam te super attendite.

Nugæ sunt ad perfectionem artis studiosè celandam, si verbis adeò simplicibus expers artista diverti potuisset : quæ quanquam primò Philosophantibus dura esse videantur, tamen sic explanare oportet. Ad primam itaque sententiam sic accedimus.

Nunc dimittis super fundamenta. Per quod significatur, verbum penè ultimum preces audientibus, sive fundentibus. Hic enim allegoricè accipitur pro penultimâ operis actione, quæ Lapis, seu Medicina dicitur. Quæ Medicina projicienda est super Solis, vel Lunæ olea quæ in spirituali augmentatione sunt artis fermenta, & fundamenta spiritualia. Et fermenta ea, seu fundamenta in Medicinam conversa projicienda sunt super Solem, & Lunam, aurum scilicet, & argentum, quæ in augmentatione corporalis sunt artis quoque fermenta, & fundamenta corporalia.

Fundamenta super verba mea. Hic etiam allegoricè eodem modo accipitur; quoniam adagicè dicitur, verba sunt venti. Quasi diceret quisquam: Verba nihil aliud sunt, nisi buccarum motus, & pulmonum exhalatio ex novem corporis instrumentis conflata, nec citius ex motu oriuntur, quam in aërem effugiunt, & convertuntur. Pari modo, Arg:vivum, seu Mercurius sive naturalis sit, sive artificialis, qui per certa instrumenta ex corporibus, seu metallis exit, tam volatilis in igne sive calore existit, quam prolata in buccis verba: ideo Mercurius verbis assimilatur, super quem fundamenta projicienda sunt.

Verba mea (nempè Arg:vivum) super diligam te; id est, Medicina ista projicienda est super ea metalla, quæ maximam affinitatem habent cum Mercurio, & facillimam fusibilitatem, uti plumbum, & stannum: quæ propter eorum amorem, dilectionem, & concordiam cum Arg:vivo in Medicinam etiam facile convertuntur per ejusdem Me-

dem Medicinæ penetrationem, & amicabilitatem. Cujus pars una convertet partes centum, vel mille aliorum metallorum in aurum, & argentum, secundum formam, vim, & penetrantem Elixeris potestatem. Quæ alia metalla, quoniam corporum priorum substantiæ sunt, ex quibus primæ generantur Medicinæ, nempe Lapidæ, earum medicinarum sunt attendentia. Quamobrem præcipit hic Philosophus, ut

4 Diligam te super attendite projiciatur; id est, hæc ultima Medicina super illud metallum præcipue, de quo prima medicina erat composita, ut illud in aurum, vel argentum convertat, secundum Medicinæ proprietatem, & qualitatem. Et sic tibi verè explanantur hujus ænigmatis verba.

Arnoldus. Sed ut finis huic projectioni imponatur, erit secundum Arnoldi Sententiam ex libro 2. Rosarij sui collectam & ex capitulo 31. Qui jubet projicere partem unam Elixeris corporalis super partes centum Mercurij purgati, & abluti, & fieri totum Medicina. Deinde projice partem unam Medicinæ istius congelatae super alias partes centum Mercurij abluti, & fiat totum Medicina. Postea pone unam partem istius Medicinæ ultimò congelatae super alias centum partes Mercurij abluti, & fieri totum aurum, & argentum perfectum, & purum, secundum quod primum fuerit Elixer album, vel tubeum præparatum, & compositum.

Projectionis recapitulatio brevis. Deniq; ut breviter recapitulemus absolutum projectionis modum; Medicinæ primò projiciendæ sunt super fermenta sua. Deinde super aurum vel argentum fusum. Postea super Arg. vivum, quousq; illud in Medicinam convertet. Ultimò super metalla propinquiora, ut in aurum purum, vel Lunam convertantur, secundum proprietates, & qualitates Medicinæ.

Propinquitas metallorum. Quia de metallorum propinquitate loquuti sumus, nempe quod Elixer projiciendum est super corpus illud imperfectum, è quo ejus Mercurius, & sulphur priùs erant abstracta, ideo hīc de ea proponamus exemplum; verbi gratia, si Medicina è Mercurio efficiatur, tunc super Arg. vivum projicienda est ad aurum, vel argentum faciendum, quoniam Arg. vivum est corpus Mercurio propinquius: & sic de cæteris.

Notan-

Notandum tamen est, quod omnia Elixera & possint, ac debent super Arg. vivum projici: quia Arg. vivum est mater ac sperma omnium metallorum. Arg. itaque vivum in Medicinam factum, & conversum projiciendum est super corpus ei vicinus, quod plumbum, vel stannum est, super qua^e, Medicina, sive fuerit alba, sive rubea, semper projicienda est ad metallum transmutandum.

De purgatione, seu depuratione Argenti vivi in opere Mercurij satis prius diximus. De plumbi etiam, & stanni repurgatione in opere Veneris sufficienter egimus: ad quos libros lectorem referre decreyimus. Prius enim tam Arg. vivum, quam plumbum, & stannum purganda sunt, ut a sordiditate suâ deparentur, ac depriventur, sicut latius patet in dictis libris. Quamobrem nota; quod unumquodque Elixer projicere oportet ad metalla facienda super Arg. vivum, aut super plumbum, vel stannum.

Sed ut adhuc projectionis modus magis innotescat, & dilatetur, duas tibi regulas enarrabimus, & apprimè caveto, ne eas obli- viscaris.

Quarum prior est, ut pars una fermenti projiciatur super tres partes Medicinæ (seu Lapidis) & pars una istius Medicinæ super partes centum auri fusii, vel Lunæ; & una pars medicinæ sic confectæ super centum partes corporis imperfecti, præcipue verò Mercurij ad Medicinam.

Posterior est, ut semper animadvertis debilitatem tuæ Medicinæ. Nam toties projicienda est super Arg. vivum, quoties illud in pulverem, seu medicinam frangibilem fortiter rediget. Quod cum facere desiverit, tunc projice partem ejus unam super plumbum, aut stannum, ut metalla fiant, secundum ordinem, & formam Elixerum. Hisce nunc bene concipere potes ordinem, & modum augmentationis cujusque in virtute, & in quantitate.

T A B U L A , S I V E R A M U S A R B O R I S
Philosophica & explanans intentionem Philosophorum, cum de decimo loquuntur numero, in quo opus ultimandum est; ac etiam miraculosum ostendit secretum Lapidis anima-
lis.

Ut ad finem perducatur ultimum istius libri caput, in quo declarandum est, quid sibi ipsis Philosophi volunt, cuin opus in decimo numero finiri jubent, hoc modo id intelligendum est. Sicut enim ex Hyle quatuor sunt divisa; sic ex Hyle, sive Chaode Metallorum. Quia cum metalla, seu corpora in liquorem solvuntur, in uno tunc continentur numero (quod corporis est solutio) ex quo secretiori distillatione fiunt duo, nempe cælum, & terra, seu menstruum, & sal. Quod infuso remanet, terra est, sive sal; quod distillatur, & per Alembicum superat, menstruum est, & cælum.

Cum menstruum separatur, in tria convertitur, nempe in aquam, in aërem, & in ignem. Notandum tamen est, quod aér, qui aquæ est pars prior, aëream dispositionem continens, quanquam sit in forma aquæ, tamen pro aëre reputatur, & post perfectam ejus rectificationem est Mercurius tingens, & spiritus metallorum albus. Sic de oleo quoque considerare debemus; quod quanquam non sit ignis in forma, sed liquor, tamen propter adurentem ejus caliditatem, & ignitum calorem dicitur ignis. Et sic habentur unum, duo, tria.

Cum horum trium sit conjunctio, nempe aëris, & aquæ cum suo sale, in putrefactione hæc tria uniuntur in una quinta essentia, & fiunt in unum corpus novum, in quo tria uniuntur in uno sulphure, quod verissimus est Philosophorum Mercurius. In creatione hujus sulphuris albi rotam Philosophorum semel pertransivisti.

Sed ut opus in decimano perficiatur numero, si his tribus in prædicta unitate conclusis, & posteà rubificatis, adderetur ignis, qui quartum est elementum, tunc quatuor ista si nova conjunctione putrescant in lento cinerum igne, fiet Lapis. Nam in isto opere novos iterum mutat colores, & in Lapidem rubeum convertitur. Et sic hoc pacto quatuor in unum coniunxisti: nam i. 2. 3. 4. decem efficiunt.

Proj
reca
brev
Rota Philo-
sophorum
prima.

Pro
tas Rota Philo-
sophorum
secunda.

ciunt. Et si latus est Lapis in decimo numero; & etiam sic Philosophorum rotam bis per transivisti, teste Riplæo Anglicè sic scribente.

But yet againe two tymes turne about thy w heel.

Id est; Nihilominus bis adhuc tuam rotam circumdes, oportet. Sic transtulit Nicholaus Barnaudus Gallus medicus Delphinas.

Iterum cum igne, sive anima solvendus est Lapis, & desiccandus, donec penetrat, ac fluat: poste cum oleo Luminis rubei fermentandus est in Elixer. Et sic Philosophorum rotam ter pertransivisti. Tunc enim Medicina tertij ordinis dicitur.

De hujus solutionis modo Riplæus Anglicana sua carmina scripsit, docens resolutionem Lapidis albi, & rubei, antequam fiat Elixer transmutans, vocans hos duos Lrides, suas Bases.

Do, as I bidd thee, then dissolve these foresaid Bases Wittilie;
And turne them into perfect oyles wth our true water ardent:
By circulation yt must be done, according to our intent.
These oyles will fixe crude Mercurie, and convert bodies all
Into perfect Sunne and Moone, when thou shalt make pro-
jection.

That oylish substance pure and fixt Raymund Lullie did call
His Basiliske, of w ch he never made so plaine detection.

Id est; Fac, sicut te jubeo, & cautè dissolve has Bases prædictas & converte illas in olea perfecta cum nostra aqua vera, & ardente; quod per circulationem fieri debet secundum propositum nostrum. Hæc olea figent Mercurium crudum, & corpora convertent omnia in perfectam Solem, & Lunam, quando projicies. Hanc oleagineam substantiam puram, & fixam Raymundus Lullius vocabat suum Basiliscum, cujus nunquam tam planam fecit explicationem. Idem.

Quibus carminibus facilè patet ejus Bases solummodo fuisse duo Sulphura, sive duos Lrides, quos ille alio in loco vocat suas mineras: quæ solvi debent cum sua aqua ardente, per ejus circulationem super Sulphura donec in Lrides efficiantur. Nam in hoc loco cipit & Spiritum, & Animam pro aqua sua ardente: volens, ut

Rota Philo-
sophorum
tertia.

Spiritus, & Anima administrentur secundum eorumtingendi naturas ad Basis suæ resolutionem. Et sic explanata tibi dantur verba hujus ænigmatis de decimo numero. Quod cum sit finis artis, ad finem reservavimus.

Restat tamen adhuc unicum Riplæ secretum revelare, quod à nullo antè eum Philosopho enarratum fuit unquam, modum scilicet efficiendi sulphur naturæ ex minera microcosmi, quæ est sanguis humanus. De quo totam Practicam scribit in suo libro 12. Portarum, sed præcipue in sua Medulla; ubi magis aperte ejus præparationem, & opus ipsum docet sulphurisque creandi modum perfectum declarat. Quia autem nos verum esse probavimus, tanto fidelius illud enarramus: quia nihil ex proprio Marte scribere desideramus, nisi quod priùs probavimus.

Audies ejus Anglicana verba, quæ in 12. suis Portis scripsit, quæ in fine ejus libri sunt carmina propè ultima:

I did never see true worke, trulie, but one,
Of wch in this Treatise the truth I haue tould:
Studdie there fore only, howe tho make our stones
For thereby maist thou winn both siluer and gold.
Upon my writings there fore to ground theebe bould.
So stalt thou loose nougat, if God be thy guide,
Trust to my doctrine, and thereby abide.

Remember that Man is the most noble creature
Ofearthlie composition, that euer God wrought,
In whom is of the 4. elements proportioned by natur
A new trall Mercurialtie, vvch costeth right nougat,
Out of this Mine by arte to vs it is brought:
For our metalls benought els, but our Mines tvvo
Of Sunne, and Moone, vvislie Raymund said soe.

The clearnes of the Moone, and of the Sunne soe bright
Into these tvvo Mines descended secretlie.
Hovvbeit that clearnes is hidd from thy sight,
By craft thou shalt make id to appeare openlie.

This

This hidd stone, this one thing there foro putrifie.
Wash hinn vyth his ovne broath, till vwhite he become,
Then ferment vvitilie: loe here is all, and summe.

Id est; verum opus, uno excepto, nunquam vidi, cuius veritatem in isto Tractatu patefecit: tantum ergo studeto, ut hos lapides nostros conficias: nam ita Argentum, & aurum lucraberis. Scriptis itaque meis tutò confide; ita enim nihil amittes, si Deus sit tibi propitius. Doctrinæ itaque meæ fidem adhibe, eamque sequere.

Memento hominem esse nobilissimam creaturam ex compositione terreâ, quam unquam Deus creavit; in quo est 4. elementorum proportionatorum per naturam neutralis Mercurialitas, quæ omnino nihil constat, producitur arte ex sua Minera. Nam nostra metalla nihil aliud sunt, quam nostræ duæ Mineræ nostri Solis, & Lunæ, ut Raymundus sapienter notat.

Splendor Lunæ, Solis lucidi in has duas Mineras secretè descendit, quamvis splendor sit absconditus tuo visui, arte potes efficerre, ut appareat manifestè. Hunc lapidem absconsim, hanc unam rem putrifica, lava in suo liquore, donec albescat; tum fermenta sapienter. Et sic habes summam hujus operis. Idem Barnaudus.

Ex his solummodo verbis duo colliguntur apices, ad quos tendit Author. Quorum primus est, ut sanguis humanus disponatur ad putrefactionem, ut sulphur creatur. Secundus ut sulphur cum ingenio fermentetur; ac si diceret, artifex illud præparet, ut aptum sit ad fermentandum. Sic de Theotica. Supereft, ut paulisper hic taceamus, donec ex Medulla Riplæi tota declaretur Practica.

Accipiendus est igitur sanguis humanus ex hominis saniva extra etus mense Martis, & ex homine Martiali, ut puto, quod Author intimat. Cum itaque emissus sit sanguis è vena, refrigerescere finito, ut aqua viridis ab eo re coletur, quæ salinaria est. Nam quamdiu aqua illa salinaria cum sanguine remanet, is putrescere nolit; quoniam ea sanguinem conservat ab omni putredine, cùm in corpore remanet sano.

Sanguinem sic præparatum repone in Ovum Physicum bene & firmiter clausum, & putrefactionem fac in balneo, donec 150. dies pertransiverint. In 40. diebus, vel minus, caput corvi apparebit, &

sic deinceps per totum usque ad albedinem, ut si sepius prius diximus in aliis opusculis.

Sulphur tuum album sic genitum in duas partes divide, unamque serva pro Lapide albo. Alteram verò rubifica pro opere rubeo. Et sic habebis tuas duas Mineræ; de quibus sic dicitur:

For our metalls are nought els, but our Mines tvvo
Of Sunne and Mone ivvislie Raymund said so.

Id est; ut suprà: Nam nostra Metalla nihil aliud sunt, quam nostræ duæ Mineræ nostri Solis, & Lunæ, ut Raymundus sapienter notat. Et sic deinceps ad finem carminum.

Jam habes tua duo sulphura præparata; si philosophus sis, ad ultimationem procede, & opus conclude in decimo numero, & da Sulphuri Mercurium suum, ut absolvatur opus: Sin minus ad nostram philosophiam minimè natus es.

Nota; quod Sulphur Philosophorum non est minerale, aut metallicum sulphur, de quo metalla sub terra oriuntur, sed est sulphur depuratum per artem ex metallis extractum, & prolicitum super terram, de quo & de corporis Mercurio oritur lapis.

C O N C L V S I O O M N I B V S N O S T R I S S E X L I B R I S
Alchymicis prius editis & quæ, ac huic, inser-
viens.

Pro
reca
brev

Pro
tas
rum

SIC filiis, fratribus, & lectoribus aperiimus & tradidimus omnia antiquorum Philosophorum secreta; quorum scripta præcipue erant edita, hanc artem potius abscondere, quam illam docere, aut manifestare. Quanquam enim Hermeti dicere placuit, & protestari, quod nunquam aliquid hujus artis aut docuisset, aut prophetasset, nisi ad animæ suæ periculum euitandum, ut veluti ex Authore fidei donum fidei recipisset, sic illud fidelibus relinquoret: tamen cum ejus scripta legeris sive in Tabula sua Smaragdina, sive in Apocalypsi, sive in 12. Capitibus aureis, & nihil in eis apertum inveneris, quid de tali authore, quæso, senties?

Mihi credite, quod omnes antiqui præparationum secreta in opere grosso celarunt; quanquam de philosophico uberrime scripserunt.

runt. Ideò nos operam deditus, experiri. Nam ex eorum libris invenimus, quod Elixer effici possit ex Planetis, sive Metallis, ac etiam ex mediis mineralibus, quæ ad metallicam naturam magis appropinquant. Tum plura perlegentes, tandem invenimus methodum quandam inter omnes, quasi uno consensu depositam hoc modo.

Primò, & principaliter, ut corpora non corporea redderentur, nempè ut discorporarentur, vel discomponarentur, & in liquorem reducerentur, quem Hylen, sive Chaos nominarunt. Opus grotsum.

Secundò, ut ex Chaodica substantia, quæ unum quiddam est, elementa tria separarentur, & depurarentur. 2

Tertiò, ut elementa separata, & depurata coniungerentur, mas, & fœmina; cælum & terra, infinitis nominibus sic vocata, ut ignari ea diversa fore sentirent, quæ solummodo nihil erant aliud, nisi aqua & sal, Mercurius albus, aut rubeus & terra: quæ simul coniungebant, ut in putrefactione corpus crearetur ex imitatione creationis novum, ac purum, infans scilicet microcosmicus, seu sulphur naturæ. Philosophicum.

Quartò, ut lacte pasceretur; & posteà per fermentationem nutritus, ad perfectum robur cresceret. 4

Hisce itaque edocti, ad Practicam nos conferimus, & in unaquavis corporis, aut spiritus Practica diversos invenimus errores: sed plura legentes, & plura probantes, tandem modum invenimus omnia corpora solvendi, separandi, & conjungendi, eorum invenientes compositionem secretissimi secreti, nempè Laetis Virginis, sive Aceti acerrimi, & Aquæ Raymundi calcinativæ: cum quibus omnia corpora ad placitum dissolvebamus, & grossum perficiebamus opus.

Quamobrem decrevimus, in usitato Philosophorum more, totam aperire opus, ne cum eis invidi, alicui essemus erroris causa. Nostris itaque, quæ verè, & apertè scripta sunt, sua addidimus, eaque simul in unam conjunximus methodum, ut Artista posthac nullos unquam alias egeat legere libros Alchymicos præterquam nostros. Nam in eis omnia ea continentur, quæ apertè à Philosophis scripta inveniuntur, & etiā quæ experientia sunt vera reperta à nobis.

Haud

Haud latet, credite nobis, aliquod in arte Spagyrica, sive Alchymica secretam, quod non veraciter in eis enarratum, & plane & cum habes, Lactis Virginis, sive Aceti Philosophorum arcano exercept. Totam artem jam traditam habes, qua, Deo annuente, sine errore ad ejus finem pervenies.

Sed ut ea certius memoriae committantur, quæ in eis dictasunt, partium generalem processum recensebimus, sicut in Arbore generali ad principium libri de Mercurio redivivo, ac etiam in Martis opere describitur. Quoniam autem Luminum, & corporum non est una, sed varia tractatio, ideo Arbor in tres partes, seu Ramos dividitur. Quorum medius imperfectorum metallorum processum describit ad lapidem. Alteri duo perfectorum metallorum præparations docent ad fermentandum. Lapidem corporum imperfectorum.

Modus præparandi corpora imperfecta.

1. Calcinatio corporum.
 2. Solutio in Hylen.
 3. Separatio Hyles per distillationem.
 4. Conjunctione separatorum ad putrefactionem.
 5. Putrefactio coniunctorum ad sulphur.
 6. Sulphuris præparatio ad fermentationem.
 7. Fermentatio ad Elixer.
 8. Elixeris augmentatio in virtute.
 9. Elixeris augmentatio in quantitate per projectionem.
- Faciunt aliqui 12. partes; sed tres alij gradus in his continentur.

Fermenta reiterare, fastidiosum esset; quoniam una est utriusque via sive albi, sive rubei; una igitur sufficiet ars.

1. Calcinatio.
2. Solutio.
3. Putrefactio.
4. Sulphur.
5. Sulphuris solutio.

Fermentum rubeum. Aurum Potabile. Quinta essentia. Elixer vita rubeum.

Oleum

Oleum incombustibile Solis, seu Luminis rubei.

Sic quoque de argento dicetur, cum preparatur

Fermentum album, Argentum Potab. Quinta essentia. Elixer
vitæ album.

Oleum incombustibile Lunæ sive Luminis albi.

Jam oritur tibi Sol relucens, quo fugatas invenies tenebras; & nigra hinc aperiuntur, tribuli, & spinæ scinduntur, ac uruntur. Tute jam possis, Lector, Philosophiæ hortos perambulare, & celeberrimos, ac saluberrimos fructus in eis colligere. Hinc rosæ crescunt fragrantissimæ tam albæ, quam rubæ. Hinc nascuntur vites, uvas portantes uberrimas, è quibus fit Nectar salutiferum. Hinc arboris ramiferæ inveniuntur scientiæ, sanitatis Rami, & locupletissimi copiarum Rami, Solis, & Lunæ, auri scilicet, & argenti. Hinc scientiarum, & cognitionum oriuntur fontes refrigerantissimi, per hortum artificiosè paratum, fluentes super pretiosissimas gemmas, & arenas aureas, ac argenteas. Hinc habes à Deo tibi retributum novum Paradisi campum, ut, durante vita, ejus electi ab ægritudine conservarentur in sanitate. Hinc natura corrupta incorruptam induxit: hinc impura in puriora vertuntur. Hic denique morbi perduntur omnes, & salus crescit. Hinc perfectissima corporis unitas, & harmonia inhabitat, & hinc manet omnis excellens thesaurus. Ideò Deo semper agamus gratias pro tam rarissimis suis donis, illum colentes, illi obedientes, illum amantes, illumque deprecantes, ut super nos gratiam suam stabiliat, & ut in æternum nos conducat per omnes suas vias

bonitatis, scientiæ, & fidei in vitam æternam;

Amen.

F I N I S.

C

Oritur

essentia. E.
Oleum

Sol Dispergere.


Oritur
Tenebrosas

Philosophorum
Nubes.




Pro
reca
bre

Pr
tas
rum



orum



Pro
rec
bre

P
tas
run